



ADMINISTRACIÓN LOCAL MUNICIPAL TOURO

Nomeamento tenentes de alcalde

ANUNCIO

EXPEDIENTE 2025/g003/000331. Nomeamento Tenentes de Alcalde.

ANTECEDENTES

12.08.2025. Elección alcalde.

CONSIDERACIÓNS TÉCNICAS E XURÍDICAS

PRIMEIRA. O artigo 20 da Lei 7/1985, do 2 de abril, reguladora das bases do réxime local establece como órgano necesario da organización municipal aos tenentes de alcalde.

O seu nomeamento correspóndelle á Alcaldía (artigo 21.2 da Lei 7/1985, do 2 de abril, reguladora das bases do réxime local).

O artigo 46 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, establece que o seu nomeamento e cese realizarase por Decreto da Alcaldía da que se dará conta ao Pleno na primeira sesión que teña lugar, notificándose persoalmente aos designados e publicándose no Boletín Oficial da Provincia, sen prexuízo da súa efectividade dende o día seguinte ao da sinatura da Resolución pola Alcaldía, se aquela non establece outra cosa.

No mesmo senso exprésanse os artigos 61.2 e 62 da Lei 5/1997, do 22 de xullo, de Administración Local de Galicia

SEGUNDA. Os Tenentes de Alcalde serán libremente nomeados e cesados polo Alcalde de entre os membros da Comisión de Goberno e, onde esta non exista, de entre os Concelleiros.

Os nomeamentos e os cesamentos faranse mediante resolución do Alcalde da que se dará conta ao Pleno na primeira sesión que celebre, notificándose, ademais, persoalmente aos designados, e publicaranse no Boletín Oficial da Provincia da Coruña, sen prexuízo da súa efectividade desde o día seguinte da firma da resolución polo Alcalde, se nela non se dispuxese outra cousa.

Nos municipios con Xunta de Goberno o número de tenentes de alcalde non poderá exceder do número de membros daquela.

TERCEIRA. A condición de tenente de alcalde pérdese, ademais de por o cesamento, por renuncia expresa manifestada por escrito e por perda da condición de membros da Xunta de Goberno Local.

RESOLUCIÓN

PRIMEIRO. Nomear os seguintes tenentes de alcalde, con efectos dende o día seguinte ao da sinatura deste decreto, aos concelleiros:

Número de orde:	Concelleiro
1ª tenente de alcalde	REBECA MARÍA CODESIDO BARREIRO
2º tenente de alcalde	ALFREDO SOUTO CASTELO
3ª tenente de alcalde	ISOLINA SUÁREZ MILLÁN

SEGUNDO. Corresponderalles substituír a esta Alcaldía na totalidade das súas funcións e pola orde do seu nomeamento, nos casos de ausencia, enfermidade ou impedimento que lle imposibilite para o exercicio das súas atribucións.

TERCEIRO. Darlle conta ao Pleno da Corporación na primeira sesión que teña lugar, notificándose persoalmente aos designados e publicándose no Boletín Oficial da Provincia da Coruña, sen prexuízo da súa efectividade dende o día seguinte ao da súa sinatura.

Manda e asina, o sr. alcalde, en Touro, na data da sinatura electrónica ao marxe, asinando eu, como secretario-interventor, aos efectos exclusivos de transcripción ao Libro de decretos como garantía da súa autenticidade e integridade e para dar cumprimento ao establecido no artigo 2.1 do Decreto 24/2018, de 15 de febreiro, sobre os libros de actas e resolucións das entidades locais galegas.

Jesús José Reboredo González

José López González, secretario-interventor

Touro, 3 de setembro de 2025

O alcalde-presidente, Jesús José Reboredo González

2025/5767